

آبونه شرائطی

ممالک عثمانیه ده سنه لکی (۶۵)، اقی
آیلنی (۳۵) غروشدور .
ممالک اجنبیه ده سنه لکی (۱۷)، اقی
آیلنی (۹) فرانقور .

اداره خانه

باب عالی جاده سنده دائره مخصوصه

اضطارات

آبونه بدلی پشتور .

§

مملکه موافق آثار مع الممنونیه قبول
اولنور . درج ایدله یں یازیلر احاده
اولونماز .

الکشاف

۱۳۳۰

دینی ، فلسفی ، علمی ، ادبی ، سیاسی هنر تعلق مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : مع . اشرف اربیب

اتبعون اهدکم سبیل الرشاد

عدد ۲۶۱

۹ شوال ۱۳۳۱

پنجشنبه

۲۹ اغستوس ۱۳۲۹

جلد ۱۱

اضطارات

رساله من آل مدیغی کو - تزلک شرطیله
یتون یازیلر هر هانکی رغزت طرفدن
انتباس و اونو بیلیر .

§

مکتوبلرک ، امضالرک ر ضح و اوقوناقلی
ارلدی و آبونه صره نومروسی محتوی
بولونمسی لازندر .

§

ممالک اجنبیه ایچون آبونه اولانلرک
آدرس لرینک فرانسزجه ده یارلمسی رجا
اولنور .

§

پاره کوئدرلدیکی زمان نه یه راز اولدیغیک
واضعا بیلدیرلمسی رجا اولنور .

سیلندیکنی کوردک . فقط حمیدیه نك قهرمانی نه ایلی کانی وزرادن ، نه ده اغنیادن ایدی . بالعکس وطنلرینک حقوقنی هرشیئه تقدیم ایده رک ارواح معزله لرینی بو یولده فدا ایتمکدن چکنمیه نلردندر . مصطفی دیار غریبته وفات ایتدی . فقط اونک کوردیکی آثار تعظیمی هیچ روزیر ، هیچ برزنکین کورمه مشدر .

حمیدیه ماه افرنجینک ۲۲ سنده سویشدن حرکت ایتدیکي ائشاده بو قهرمان اسیر فراش اولمشدی . قهرمانک اطرافنده نه مشفق والدهسی ، نه زوجهسی ، نه ده اوغلری واردی . آنجق کندیسی کبی وطنلرینی تقدیس ایدن قهرمانلر واردی . قهرمان پورت سعید خسته . خانه سنه نقل اولندی واوراده وفات ایتدی . خبر وفاتی انتشار ایدر ایتز پورت سعید اهاالیسی فوج فوج خسته خانه یه طوبلانمغه باشلادیلر . مرحومک نفس مغفرت نقشی خسته خانه دن چیقدینی لحظه ده پورت سعیدک اغنیا ، اشراف واهالیسی ، اسلام یولنده روحنی فدا ایدن بویوک قهرمانک اوکنده آهسته آهسته یوریورلر ایدی . تشیع ایدنلرک جمله سی شخصاً هیچ کورمدکلری ، هیچ طانیادقلری و فقط فداکارلغنی تقدیر ایتدکلری مرحوم مصطفائی آغلایه آغلایه مسکن اخرویسنه تودیع ایدیورلردی .

جنازه یی تشیع ایدن حضارک عددی اون بش بیکی متجاوز ایدی . جاده نك اطرافنه دیزبلن اهاالینک عددی ایسه قرق بیکنن زیاده ایدی . نشک اطرافنه طوبلانان خنجا خنجا اهاالی نعشی یاریمشر دقیقه نوبتله قالدیرمق شرفنه نائل اولیورلردی . الحاصل اوکون بتون پورت سعید اهاالیسی بیوک قهرمانک ماتمه بالفعل اشتراک ایتدیلر .

ایشته بز مرحوم قهرمانک بو عاقبت معظمه سی قارشیسنده لاهوتی بر سرور ایچنده مستغرق اولدینمز حالده وطن یولنده ایثار حیات ایدنلرایله شخصیاتدن ماعدا هیچ برشیئه قولاق اصحابانلرک آره لرنده کی قوجه فرقی مشاهده ایدیورز . رحمة الله رحمة واسعة

ع

مصر :

درسمانده سبیل الرشاد مجمرعہ مفسره سنه

جریده فریده لرینک ۸ اغستوس سنه ۳۲۹ تاریخ و ۲۵۸ نومرولو نسخه سنده شابرکز واسطه سیله قرجه بک قضاسی ابتدائی معلم ثانیه افاده سیله بنده کزه متعلق اولدینی اکلاشیلان بعض سوزلر حقنده حقیقت حالک بیانی مجبوریتنی حس ایتدم .

اولاً شاگردانک معلم ثانی یی طاشلامه لری بنم تشویقمله اولیوب بز مکتب شاگردانیله نمازقیلارکن مومی الیهک نماز قیلمامسی و قیامیه . جغنی سویله مسی ، قرآن کریم او قودورکن شاگردانی بسمله شریف تلاوتندن منع ایلمسی ، شاگردانک حسن خط ایچون منفعتی بدیهی و اوتنه دنبرو مألوف اولدقلری قرمله دفترلرینی یازمیه جقسکز امرینی

دشمن اردولری یورومش ، آنا بابا کونی اولمش ، چولوقلر چوجوقلر برافلمش ، هرکس نفسندن باشقه برشی کوره من اولمش ، بویله نالان و پریشان بیکارجه ، یوز بیکارجه بشرطو پراقلره منقلب اولمش ، میلیونلرجه انسان طاغلرده ، بادیه لرده چورچوب حالنه کلش ؛ بر حالکه قارشوسنده عقللر طورور ، تعریفندن اسانلر اظهار عجز ایدر . آرقالیدی بوزلرله عظیم اسلامی ، خلافتی بوتون بوتون محو ایدیور ، یریوزندن قالدیر یوردی . فلاکت صوک درجه یه کلشدی . فقط تام اوصرمده فیض الهی تجلی ایتدی . اولمش قبلره یکیدن حیات کدی ، جنازه سی قالدیر یاق اوزره بولنان خلافت اسلامی بهت بعد الموت مظهر اولدی . دیگر طرفندن صرصر فلاکت اهل صلیب اردولرینه دوغمش ، اولنری تارمار ایتمیه باشلامشدی . بوندن بالاستفاده خلافتک حیاتی ایچون جانلرینی سپر ایدن مؤمنلر ، فداکار اسلام اردولری یورودی سلاح اوموزه تاسکی حدودلره قدر دایاندی . ملککتر مزی ، عرضلر مزی ، حیاتلر مزی ، عبادتخانه لر مزی دشمن الدن قورتاردی . « هذا من فضل ربی » . ایشته بو انجق جناب حفا فضل و کرمی در ، لطف و عنایتی در . ای مسلمانلر بونک قدرینی ببله م ، بوتون قصورلر مژدن توبه ایدم ، دیگر ملککتر مزی کری آله یه حاضر لانه م .

یاربی ، سکا یوز بیکارجه شکرلر اولسون ! بز اولدورمده ، یکیدن بزه حیات نفخ ایتدک ، بو کونلری نصیب ایلدک . آرتق عهد ایدیورز ، سنک نام پاککی اعلا ایچون جانلر مزی فدا دن ذره قدر چکنمیه جکز . بردها بو مقدس ملککتره دشمنک ملوث ایاغنی قطعاً باصدیر مایه جغز ... باقکز ای محترم مسلمانلر مجلس مزده دنیانک هر طرفندن کلش مسلمان قارداشلر وار . ایشته بو ذات محترم (عبدالعزیز چاویش حضرتلری) مصرک الک بنام فضلا سندن . ایشته اوتنده تونس علمای کرامندن بر فاضل شهر . آناطولینک هرکوشه سندن ، عربستانک هر طرفندن کلش مسلمان قارداشلر .. همیز الاله ویره مش ، مسلمانلغی مدافعه ایچون جانلر مزی فدا یه حاضر . لائشمز . هرکس کیسه سی آچمش ، موجودیتنی ویریور . ایشته بر مصرلی قارداشلر ایکیوز لیراسنی آلمش ، مصر دن تابورایه قدر کلش ، ایکیوزینی ده مدافعه ملیه یه ویره رک هم جانیه ، هم مالیه بوغزایه اشتراک ایدیور . بوتون دنیانک مسلمانلری بو حالده در . یالکیزدن متانت بکله یورلر .

ای محترم ضابطان ! وظیفه کز یک بویوکدر . اوکا کوره دورانک . سز افراده نمونه امتثال اوله جقسکز . سزک کوچوک بر یولسز لکن معاذ الله بویوک فلاکتلره سبب اولور . بوتون عالم اسلامک کوزی ، امید ی سزده در . یوزلرجه میلیون مسلمانک امیدلرینی محو ایتمیک . هر درلو قصورلردن توبه ایدرک خلوق وجسور اولک . قبلر کزده کی نور ایمان جهانی طولدورسون . الله جمله مزه هدایت و توفیق احسان بیورسون ، آمین . »

متعاقباً تونس علمای مشهوره سندن بذات کریم طرفندن غایت بایغ بر دعا اوقونه رق بو بویوک مجاسه ختام ویریلدی .

ح

فداکارلرک عاقبتی

« حمیدیه » عثمانیلرک قره کونلرنده ، ماتمی برکابوس ایله آفاق عثمانیه نك ایکله دیکی کونلرده ، معظم خارقه لرلیله قلوب مسلمینی دلشاد ایلشدی . کره ارضک اوزرنده یاشایان بتون اهل اسلام اومعجزات حربیه یی یایان قهرمانلرک جانسپارانه مدافعه لرینی ، خارق العاده فداکارلرقلرینی دائماً احترام و تحیل ایدرلر .

« حمیدیه » قهرمانلرندن مصطفی احمد پورت سعید خسته خانه سنده انشای معالجه ده وفات ایتدی . بو قهرمانک وفاتی حمیدیه قهرمانلرینک حال حیاته اولدینغی اثبات ایتدی .

چوق وزرانک ، اعیانک ، برطاقم اغنیانک قاریوله لری اوزرنده راحت راحت اولدیکلرینی و بعدالموت بتون حافظه لر دن اسملرینک